

A Kippah in the Caribbean, 400 aña di presencia di Huidu na Corsou, Aruba y Surinam



Dialuna, 16 di november 2015, di 6.30 pa 9.00 di anochi lo tin presentacion di 3 documentario na Cas di Cultura. 'A Kippah in the Caribbean.

A quest for Jewish Caribbean Identity' ta trata di 400 aña di presencia di comunidad hudiu na Corsou, Aruba y Surinam. Nan historia, tradicion, custumber y religion. Unda tin comunidad hudaico den region Caribense? Kico ta nan influencia mutuo? Den e documentario

ta aparece nombenan conoci manera Da Costa, Maduro y Emanuels.

Descendientenan di diferente generacion ta versa nan opinion riba e pregunta di futuro: e comunidadnan hudaico den region Caribense lo sobrevivi? E documentario ta un iniciativa di Tanja Fraai y Mike Ho-Sam-Sooi di StichtingWe Connect Foundation, www.stichtingweconnect.nl. di Hulanda.

Durante e anochi aki tambe

lo presenta dos otro documentario produci pa Ryan Oduber y Mirto Laclé hunto cu e mediacrew di Biblioteca Nacional Aruba.

'Homenahe na Willy Eugene Humbert van Eer', naci na 1914. Willy a bin Aruba na 1946 cu su baggage cultural. Awor cu e tin 101 aña e ta retrospectiva riba su estancia na Aruba. Su testimonio, loke el a brinda Aruba durante henter su bida.

'Homenahe na 4 dama, Icono Musical Arubiano': Digna Laclé-Herrera, Maybelline Arends-Croes, Tica Giel y

Carmen Herrera.

We Connect Foundation, Biblioteca Nacional Aruba, Instituto Pedagogico Arubano hunto cu organisado, gestor cultural, Mirto Laclé ta extende un cordial invitacion pa asisti na e anochi di gala aki pa rindi honor na rescate di baluartenan cultural.

Dresscode ta formal. Entrada ta gratis. Pasa busca bo carchi na Biblioteca Nacional Aruba (582 1580) of Mirto Laclé tel. 740 2044. □